

9

Nunc sit hæc prima consideratio, vtrum duæ species, quantum altera
in altera diuidenda proponitur, sint eiusdem generis nec ne, & si non fue-
rint inter se similes, vtra ab integro recedat longius. Hinc prima regula *Prima re-*
gula, si species fuerint similes, ac eiusdem præterea generis, quota species *gula.*
per se pertinebit ad speciem integrorum siue gradus, siue dies, siue aliud
quiddam fuerit loco integri, vt si prima scrupula gradus sint diuidenda
in prima scrupula, si modo diuidenda scrupula non fuerint pauciora di-
uidentibus, quota species existit graduum. **S E C V N D A.** Si spe-
cies fuerint dissimiles, sub eodem tamen genere, aufer notam minoris
speciei à nota maioris. Reliqua enim nota ostendit speciem quæ ex di-
uisione nascitur, quæ semper eiusdem generis cum vtraq; specie pronun-
ciabitur, quando diuidendæ speciei nota maior fuerit, alterius autem ge-
neris, cum nota diuidendæ speciei minor fuerit. Eius autem speciei no-
tam maiorem dicimus, quæ ab integro abest longius, vt sexta scrupula
habent maiorem notam, scilicet, senarium quam quinta scrupula quo-
rum nota quinarius est, & longius absunt ab integro sexta scrupula,
quam quinta. Ut si tertia scrupula partiaris per secunda scrupula ex-
eunt rursus scrupula, nempe prima, quia tertiorum species, vt diuiden-
da longius abest ab integro, quam species, quæ diuidentis munere fungi-
tur. Ita si sexagenæ tertiae diuidantur in secundas, quota species erit
primarum sexagenarum, ita vt non transeat quota species in aliud ge-
nus. At si secunda scrupula diuidantur per tertia scrupula, exeunt
Primæ sexagenæ, vel si secundæ sexagenæ per tertias exeunt prima **Tertia.**
scrupula, mutato nimirum vtrobiq; genere. **T E R T I A** regula si duæ
propositæ species non fuerint eiusdem generis, notæ specierum iunctæ in-
uicem ostendunt notam speciei, quæ ex diuisione illa nascitur, quæ qui-
dem semper cum genere speciei diuidendæ congruit, vt siue diuidas ter-
tias sexagenas in secunda scrupula, siue secundas sexagenas in tertia scru-
pula, existunt ex hac diuisione sexagenæ quintæ, similiter siue diuidas
tertia scrupula in secundas sexagenas, siue secunda scrupula in tertias sexa-
genas, omnino quota species existit quinchorum scrupulorum.

Ex his iam prudens lector iudicare potest, quod summa harum re-
gularum compræhensa sit in illa priori generali, nempe quod species
quæ existit è diuisione, tantum recedit ab integro, quantum diuidenda
abest à diuidente. Ecce autem breuem tabellam, quæ regulas omnes
brevisimè ob oculos ponit.

C

Si